



Minggu, 06 September 2020

Ogen: Jeremia 31:35-40



Keleng ate Tuhan la tersibari



Lit pepatah nurikenca: "Kasih orangtua sepanjang jalan, kasih anak sepanjang galah." Keleng ate orangtua tuhu-tuhu tulus ikhlas man anakna, emaka uga pa pe sikapna pengkelengi anak kempak orang tua lenga bo banci sebanding ras kai si ibahan orang tua e man anak-anakna. Bage me pe keleng ate Dibata nandangi kita kalak si tek man baNa. Dibata tetap erkeleng ate dinging setia i bas padanNa. Lit waktuna Ia merawa, tapi labo ndekah sabap tujunna pe ngajarken anak-anakNa/bangsaNa guna patuh dinging jera. Bagi Bangsa Israel si pernah la setia nandangi Tuhan, tuhu-tuhu bangsa e iukumNa, tapi adi nggit ia robah dinging mulihkan setia nandangi Tuhan, maka kemakmuren mulihi jadi sikerajangen bangsaNa e. I bas ayat 36 isuratken "Bage me Bangsa Israel tetap jadi sada bangsa i lebe-lebengKu." Dibata la nulak bangsaNa e erkiteken dosa-dosana i bas masa si lepas. Dibata melasken kata maka enggo me seh paksaNa ipanteki Israel me mulihi Jerusalem. Enggo seh paksana bangsa e ipelepas i bas ukumen nari.

Teridah kal maka Dibata nge si ngaturken perdalanan geluh angsaNa. Dibata namakensa ku pembungen, IA ka si mabasa mulih ipembuangan nari rikutken waktu/paksa si payo I bas pengakapNa. Keputusan Dibata e labo ise pe ngasup nulaksa entah pe ngolangisa. Adi enggo bage ipadankenNa ugapa pe jadi bage. Saja kai pe si ibahanNa kerina guna kiniulin bangsaNa.

Bage me ulina Dibatanta. Kita sierdosa, dinging mekatep la setia i bas kinitekenta man baNa, melala si mekatep jadi ngajuk kita janah erbanca Dibata e kecewa. Tapi adi kita jera dinging mulih kempak Tuhan, kita la itulakna. Perlu kita erlajar labo terjeng mindo gelah dosanta ialemi. Simehulina ertekadlah guna tetap setia kempak Tuhan Dibatanta.